

Na osnovu člana 28. Zakona o lokalnoj samoupravi ("Sl.glasnik", br. 5/97, 1/98 i 2/2000), člana 21. Statuta općine Velika Kladuša - prečišćeni tekst (Sl.glasnik općine Velika Kladuša", br. 1/2001) te čl. 42. i 46. Poslovnika o radu Općinskog vijeća - prečišćeni tekst (Sl.glasnik općine Velika Kladuša", broj: 1/2001) Općinsko vijeće općine Velika Kladuša na XXI sjednici održanoj 09.maja 2002.godine, usvojilo je

PROGRAM RADA OPĆINSKOG VIJEĆA ZA 2002.GODINU

UVODNE NAPOMENE

U koncipiranju projekcije strateških programskih ciljeva u okviru koji će djelovati Općinski organ uprave i Općinsko vijeće na njihovu ostvarenju u tekućoj 2002.godini, provedena je široka rasprava sa svim subjektima u sistemu lokalne uprave, u kojoj su definirani prioritetni pravci aktivnosti kojima su tretirane različite sfere života naše lokalne zajednice.

Osim toga Općinski načelnik organizirao je brojne službene razgovore oko prioritetnih projekata naše općine sa višim nivoima vlasti odnosno kantonalnim i federalnim predstavnicima organa i institucija.

Tako su za prioritetne projekte u oblasti vodosnabdjevanja, uzgoja i zaštite šuma i razvoja poljoprivrede, obavljani razgovori i zatražena podrška od Ministarstva za poljoprivredu, vodoprivredu i šumarstvo USK-a i Federacije, zatim u J.P. "Za vodno područje slivova rijeka Save" u Federaciji BiH, te J.P. "UNSKO-SANSKE ŠUME".

U Ministarstvu za privredu USK-a - sektor industrija, energetika i rudarstvo razmatrana su pitanja koncesione ponude prirodnih resursa naše općine i u tom pravcu utvrđeni pravci, kako Ministarstva, tako i organa uprave općine Velika Kladuša.

U sektoru energetike obavljani su službeni razgovori sa predstavnicima J.P. "Elektrodistribucija Federacije" direkcija "Elektrodistribucija" Bihać, oko prioritetnih elektroenergetskih objekata na području općine posebno prioriteta u obnovi i poboljšanju nisko-naponske mreže.

U sektoru komunikacija i prometa saobraćaja obavljani su službeni razgovori sa predstavnicima J.P. "PTT -Federacije" direkcija PTT USK-a oko prioritetnih komunikacijski projekata na području naše općine, te predstavnicima privrede USK-a i direkcije za ceste USK-a oko prioritetnih projekata izgradnje lokalnih puteva na području naše općine.

U sektoru kulturne nadgradnje i sporta zatražena je pomoć i podrška od Federalnog ministarstva za obrazovanje, nauku, kulturu i sport.

Konačno obavljen je službeni razgovor na zahtjev Općinskog načelnika i sa Premijerom Federalne Vlade gosp. Alijom Behmenom oko podrške i pomoći Federalne Vlade na realizaciji određenih infrastrukturnih projekata na našoj općini.

Svi službeni razgovori koji su obavljani kako sa subjektima u sistemu lokalne uprave tako i sa predstavnicima organa i institucija viših nivoa vlasti imali su za cilj aktiviranje svih materijalnih i ljudskih potencijala kako u sferi privređivanja, obnove i izgradnje tako i u sferi društvene nadgradnje, kao i bilansno uravnoteženje programskih ciljeva sa planom prihoda općinskih struktura i sredstava koja se - planiraju obezbijediti od drugih sufinansijera u realizaciji programskih zadataka za tekuću 2002. godinu.

PROJEKCIJA STRATEŠKIH PROGRAMSKIH CILJEVA ZA 2002.GODINU

A) PRIVREDNO-KOMUNALNA INFRASTRUKURA

Osnovna programska opredjeljenja u ovoj oblasti koncipirana na temeljima utvrđene projekcije razvoja privredno-komunalne infrastrukture na području općine Velika Kladuša u periodu 2001-2004.godina, nameću potrebu da se u 2002.godini nastavi sa aktivnim djelovanjem u oblasti privredno-komunalne infrastrukture na čitavom području općine.

U tom pravcu 2002.godina treba biti godina maksimalnog unapređenja djelatnosti opće i zajedničke komunalne potrošnje u pravcu podizanja javne higijene na zadovoljavajući nivo, pri čemu treba uložiti maksimalne napore i sve raspoložive resurse da se zadrži tendencija i stepen izgradnje objekata komunalne infrastrukture na nivou ranijih godina, te dovrše započeti radovi i projekti iz proteklog perioda.

I - Vodosnabdjevanje i odvodnja

1. Aktivnost u oblasti vodosnabdjevanja u 2002.godini koje su usaglašene kao prioriteta na nivou općine, JKP "Adnan Redžić", Vodoprivreda Kantona i Federacije i pojedinih mjesnih zajednica odvijaju se u slijedećem pravcu:

1.1. Početak implementacija I- faze projekta izgradnje sistema vodosnabdjevanje Vrnograča i okoline. I - faza projekta obuhvata izgradnju pumpne stanice na izvorištu Zdralovac - Donja Slapnica, potisni cjevovod do Kurtića glavice i Mehurovića glavice uključujući i rezervoare na ovim kotama, te gravitacioni cjevovod do rezervoara Vrnograč.

Investicija vrijedna oko 1.100.000 KM finansirala bi se udruženim sredstvima budžeta Federacije J.P. za vodoprivredu Federacije i građana Vrnograča i okoline.

1.2. Rekonstrukcija vodovoda Barake - Rašetin zid (Donja Vidovska), sa odvojkom za Gornju Vidovsku.

Investicija vrijedna oko 200.000 KM finansira se udruženim sredstvima JKP "Adnan Redžić" i građana Donje i Gornje Vidovske.

1.3. Završetak radova na izgradnji potisnog cjevovoda Todrovo - Kapan sa prepumpnom stanicom Kapan.

Intenzivno raditi zajedno sa građanima Golubovića na zatvaranju finansijske konstrukcije za izgradnju potisnog cjevovoda od Kapana do Drage, uključujući i izgradnju rezervoara na Dragi, čija je investiciona vrijednost oko 216.000 KM.

1.4. Izgradnja gravitacionog cjevovoda Trnovi-Ponikve. Investicija vrijedna 71.420,00 KM finansiraće se udruženim sredstvima građana i općine.

1.5. Izrada kanalizacije JOŠE, u dužini od 665 m. Investicija vrijedna oko 81.000 KM finansiraće se udruženim sredstvima općine, Grupexa i građana.

2. Putna infrastruktura

2.1. Rekonstrukcija i modernizacija lokalnog puta Vrnograč-Poljice-Šestanovac u dužini od 3.200 m.

Investicija vrijedna 201.625,00 KM finansiraće se udruženim sredstvima građana i općine.

2.2. Rekonstrukcija i asflatiranje gradske ulice "Banijska" u dužini od 520 m.

Investicija vrijedna 32.488,80 KM finansira se udruženim sredstvima građana i općine.

2.3. Rekonstrukcija i modernizacija dijela lokalnog puta Žalića most - Trn - Nepeke. Investicija vrijedna oko 30.000 KM finansirat će se udruženim sredstvima građana i općine.

2.4. Rekonstrukcija i modernizacija lokalnog puta Crvarevac - Čaglica (tri dionice) i to:

I dionica Crvarevac (regionalni put) Čaglica do škole dužine 1500 m

II dionica Crvarevac (škola) - Čaglica - (Tomića klanac) 1400 m

III dionica Čaglica - Aleševići - granica općine 860 m.

Obzirom da su građani na zborovima građana sve tri navedene dionice kojima je prisustvovao Načelnik općine prihvatili i donijeli Odluku o učešću u sufinansiranju ove investicije vrijedne 443.767,00 KM intenzivno raditi na zatvaranju finansijske konstrukcije sa kantonalnim organima i institucijama koji su načelno obećali učešće u sufinansiranju ovog projekta.

2.5. Projekat rekonstrukcije i modernizacije lokalnog puta Gornja Vidovska -Jašići-Kriva Bukva- Šumatac u dužini od 3100 metara, zašto je potvrđeno učešće građana u sufinansiranju ove investicije vrijedne oko 205.278,00 KM kandidirati Federaciji za održivi razvoj - Sarajevo, obzirom da se uklapa u kriterije ove fondacije, zbog činjenice da put povezuje prostore dvije mjesne zajednice.

2.6. Izvršiti krpanje udarnih rupa gradskih ulica u općinskoj nadležnosti uključujući i uređenje prekopa i rigola.

3. Održavanje i uređenje grada

3.1. Za tekuću 2002.godinu implementirati Odluku

Općinskog vijeća, "O mjesecu čistoće" i kroz organiziranje akcija na svim nivoima (škole, preduzeća i ustanove, omladina i građani po MZ) koje bi bile angažirane na uređenju grada i okoline, saniranja divljih deponija, obnovi zelenila, cvijeća i drveća u parkovima.

3.2. U sklopu ove akcije u gradskom parku na pješačkim stazama unutar parka postaviti betonske ivičnjake, sa zatezanjem zelenih površina (oko 1000 metara betonskih ivičnjaka).

3.3. Prema usvojenom projektom rješenju pristupiti izgradnji ljetne pozornice u centralnom gradskom parku. Investicija vrijedna oko 50.000 KM finansiraće se udruženim sredstvima općine i Federalnog ministarstva obrazovanja, nauke, kulture i sporta.

3.4. Izvršiti rekonstrukciju i sanaciju javne gradske rasvjete u ulicama Nurije Pozderca, 506.brigade i Bihaćkoj do škole "25.novembar" kao i javnu rasvjetu u naselju Brezici.

Ponovo aplicirati program izgradnje javne rasvjete u Maloj Kladuši, Fondaciji za održivi razvoj - Sarajevo koji nije realiziran u toku 2001.godine.

4. Elektrodistributivna mreža na području općine

Stanje elektrodistributivne mreže i evidentno slabih naponskih prilika na području općine djelimično je sanirano i poboljšano u 2001.godini, ali još uvijek nedovoljno da bi se ukupno stanje podiglo na zadovoljavajući nivo.

Stoga u postignutim dogovorima sa predstavnicima JP "Elektrodistribucija" Bihać prioritet za 2002.godinu bi će usmjeren na izgradnju slijedećih elektroenergetskih objekata:

- izgradnja DV-20 kw u dužini od 300 metara, kao i stubne trafostanice 100 KWA u Purićima,

- izgradnja DV-35 kw u dužini od 120 metara sa trafostanicom od 110 KWA u Nepekama,

- izgradnja DV-20 kw u Dmaljevu u dužini od 550 m sa trafostanicom 160 KWA,

- izgradnja NNM - Jabukovac u dužini od 800 metara,

- izgradnja DV- 20 kw, Mrcelji u dužini od 1350 m sa trafostanicom od 10 KWA i razvodom NNM u dužini od 1000 metara.

- izgradnja DV-20 kw, Donja Slapnica Golubovići u dužini od 5,5 km,

- izgradnja NNM Dabravine u dužini od 3,5 km.

Za navedene projekte direktor JP "Elektrodistribucije" Bihać predočio je pismene garancije da su sredstva obezbjeđena za finansiranje ovih projekata.

5. PTT INFRASTRUKTURA

Projekat izgradnje i modernizacije T.T. i GSM sistema na području općine Velika Kladuša čiji je završetak bio planiran koncem 2001.godine, nije dovršen.

Stoga će u tekućoj 2002.godini težište u implementaciji ovog projekta biti usmjereno na:

- dovršetak izgradnje pristupnih mreža u G. Vidovskoj, Vrnograču i Podzvizdu, Glinici i Todorovskoj Slapnici,

- dovršetak poslova na komutaciji - odnosno proširenju broja priključaka na centrali u Donjoj Vidovskoj, Šumatcu, Vrnograču i Zborištu,

- dovršetku optički spojnih puteva u Donjoj Vidovskoj, Glinici i Slapnici.

Prema predočenim finansijskim dokumentima i odlukama od strane direktora BH - Telekoma - direkcija Bihać, sva potrebna sredstva su obezbjeđena i radovi treba da otpoènu početkom maja mjeseca tekuće godine.

6. Prioriteti u stvaranju ambijenta za različite oblike Privređivanja

Općinska administracija na čelu sa Načelnikom općine i Općinsko vijeće u tekućoj godini svoje prioritetno djelovanje treba usmjeriti ka stvaranju privrednog ambijenta koji bi podstakao oživljavanje privredne aktivnosti na području općine.

U tom pravcu najkasnije tokom trećeg kvartala tekuće godine sve aktivnosti na reviziji prostorno-planske dokumentacije kako urbanih tako i ruralnih područja naše općine, te usvojite Izmjene i dopune Urbanističkog plana grada, te prostornog plana općine.

Ovi dokumenti trebaju da pripreme općinu za tržište kroz novo definiranje građevinskog, poljoprivrednog i šumskog zemljišta i namjenu površina za potrebe razvoja, rada, stanovanja, rekreacije, sporta, turizma, razvoja saobraćajne, energetske i druge privredno-komunalne infrastrukture.

U okviru već istraženih privrednih resursa kojima općine raspolaže, naročito termalnih voda i mineralnih sirovina, kao i prirodnih bogatstava pogodnih za razvoj turizma, intenzivno u suradnji sa nadležnim Kantonalnim i Federalnim ministarstvima nastaviti već otvoreni proces izdavanja koncesija kako za domaće tako i inozemne partnere, naravno u okviru zakonske procedure i nadležnosti.

Poduzetničkim firmama koje imaju namjeru realizovati investicione programe iz oblasti korištenja prirodnih resursa, pružati pomoć kroz davanje potrebnih informacija, uputstava i dokumenata, zašto već postoje ponude od nekoliko poduzetničkih firmi sa konkretnim programima, kao što je firma "PIP" iz Hrvatske koja tokom tekuće godine namjerava graditi fabrički pogon za preradu meda, te Austrijska firma "RHOR-kamin" koja također priprema gradnju fabričkog pogona za proizvodnju RHOR -kamina na području naše općine.

Svakako težište aktivnosti mora biti usmjereno na veće korištenje resursa u oblasti poljoprivredne proizvodnje, naročito na proširenju proizvodnje i otkupa mlijeka te proizvodnji povrtlarskih kultura, kroz razvoj kooperativne proizvodnje sa "Agrokomercom" zašto su već provedene određene aktivnosti po mjesnim zajednicama od strane poljoprivredne savjetodavne službe Općinskog organa uprave, izvršnog direktora za sektor poljoprivredu u menadžmentu A/C uz direktno uključivanje Općinskog načelnika.

Sadašnji dostignuti nivo proizvodnje mlijeka od 12.000 litara na drugi dan, u tekućoj godini treba podići na 18.000 litara zašto postoje realne pretpostavke zbog činjenice što su naši poljoprivrednici stekli povjerenje prema mljekari "Mēgle" zbog redovitog otkupa i blagovremenog i sigurnog plaćanja otkupljenog mlijeka.

U sklopu ove aktivnosti vršiti maksimalni pritisak na Privrednu komoru USK-a te Vladu Federacije na implementaciju već predatih aplikacija - programa koncem prošle godine koje su privatni poduzetnici preko Općinskog organa uprave uputili na ove adrese radi ostvarenja povoljnih kreditnih linija, kao i poljoprivredni novčani poticaja u primarnoj poljoprivrednoj proizvodnji u 2002.godini u okviru programa Vlade Federacije BiH.

U oblasti uzgoja i zaštite šuma u državnom vlasništvu na području općine Velika Kladuša u suradnji sa šumskom upravnom Cazin J.P."Unsko-sanske šume" realizirati minimum jedan program pošumljavanja u 2002.godini, zašto postoje garancije šumarije.

U toku septembra mjeseca 2002.godine organizirati već sada tradicionalnu manifestaciju "Dani poljoprivrede Velika Kladuša", na kojoj će prezentirana dostignuća poljoprivredne proizvodnje na selu, izložba poljoprivredne mehanizacije, najbolji rasnih grla stoke, poljoprivrednih proizvoda i drugih dostignuća u oblasti poljoprivredne proizvodnje kao najznačajnijeg resursa na području općine.

Kultura i sport

Relativno dobar godišnji program rada 2001.g. Centra za kulturu i obrazovanje "Zuhdija Žalić" ispunjen sadržajima koji bi dobrim djelom zadovoljili kulturne potrebe građana i općine Velika Kladuša nije realiziran zbog opće poznate okolnosti prvenstveno uzrokovane općim uslovima rada, kadrova i nedostatka finansijskih sredstava.

Nažalost zbog teškog finansijskog stanja u kojem se našao budžet općine Velika Kladuša nisu se mogla namjenski izdvojiti sredstva za finansiranje dobro osmišljene kulturne manifestacije "Kladuški dani kulture" utemeljene Odlukom Općinskog vijeća.

Zbog toga u tekućoj godini težište aktivnosti kako organa uprave, tako i Centra za kulturu kao nosioca ove djelatnosti na općini mora biti usmjereno ka jačanju materijalne osnove, odnosno stvaranja materijalnih pretpostavki za implementaciju odluka Općinskog vijeća o utemeljenju kulturne manifestacije "Kladuški dani kulture", kao i drugih kulturnih manifestacija.

U tom pravcu u tekućoj godini pojačati aktivnosti na dosljednom provođenju odluke Općinskog vijeća o izdvajanju iz dohotka od 2% od fizičkih i pravnih lica za potrebe finansiranja kulture i sporta na općini, koja se tek polovično provodi.

Učiniti maksimalne napore na jačanju i zaživljavanju amaterizma u oblasti kulture, odnosno korištenja entuzijazma amaterskih kulturnih stvaralaca.

Kad je u pitanju oblast sporta i fizičke kulture koji se nalazi gotovo identičnoj situaciji kao i oblast kulture zbog veoma nesigurnih izvora finansiranja i nedostatka sredstava čak i za amaterske sportske klubove u tekućoj godini težište aktivnosti usmjeriti na stvaranje materijalnih pretpostavki kako bi se u prvom redu na općinskoj sportskoj sceni održali već oformljeni sportski klubovi, a kojih je ukupno 8 (osam).

Kao što je dosad činjeno i dalje ćemo koristiti pored redovnih izvora finansiranja i sve alternativne kroz određene donacije koje nisu izostajale od zaljubljenika sporta u našoj lokalnoj zajednici.

Svakako jedna od prioritetnih akcija na razvoju sporta bit će usmjerena u tekućoj godini na sadržajnu i širu realizaciju sportske manifestacije "Općinskih sportskih igara", utemeljenih Odlukom Općinskog vijeća, nego što je to bilo u prošloj 2001.godini.

TEMATSKI DIO

1. Izvještaj o radu Općinske uprave za 2001.godinu

OBRADIVAČ: Općinski načelnik, zamjenik načelnika i pomoćnici načelnika
ROK: januar-april 2002.ge godine

2. Program rada Općinskog vijeća i Općinske uprave za 2002-gu godinu

OBRADIVAČ: Općinski načelnik, zamjenik načelnika i pomoćnici načelnika
ROK: januar-april 2002-ge godine

3. Budžet Općine Velika Kladuša za 2002-gu godinu
OBRAĐIVAČ: Služba za privredu i finansije
ROK: januar-mart 2002-ge godine
4. Informacija o stanju u oblasti privrede na području USK i mjere za poboljšanje stanja
OBRAĐIVAČ: Privredna komora USK
ROK: januar - mart 2002-ge godine
5. Informacija o provođenju procesa privatizacije u društvenim (državnim) preduzećima na području općine Velika Kladuša
OBRAĐIVAČ: 1. Kanotnalna agencija za privatizaciju
2. Služba za privredu i finansije
ROK: januar-mart 2002-ge godine
6. Izvještaj o poslovanju JP "Veterinarska stanica" za 2002.godinu
OBRAĐIVAČ: - JP Vet.stanica
- Služba za privredu i finansije
ROK: januar-mart 2002-ge godine
7. Izvještaj o poslovanju JKP "Adnan Redžić" Vel.Kladuša za 2001.godinu
OBRAĐIVAČ: - JKP "A.Redžić" Velika Kladuša
- Služba za privredu i finansije
ROK: januar-mart 2002-ge godine
8. Informacija o radu JU Centar za kulturnu i obrazovanje "Zuhdija Žalić" VelikaKladuša sa osvrtom na finansijske rezultate poslovanja u 2001.godini
OBRAĐIVAČ: - JU Centar za kulturu i obrazovanje
- Služba za društvene djelatnosti i opću upravu
ROK. januar-mart 2002-ge godine
9. Program zajedničke i komunalne potrošnje
OBRAĐIVAČ: - Opć.fond KZP,
- Služba prostornog uređenja, rusursa i zaštite okoline,
- JKP "A.Redžić"
ROK: januar-mart 2002-ge godine
10. Informacija o stanju i problemima u oblasti poduzetništva na području Općine Velika Kladuša
OBRAĐIVAČ: Služba za obnovu, razvoj i poduzetništvo
ROK: april-jun 2002-ge godine
11. Informacija o stanju premjera katastra zemljišta s posebnim osvrtom na odredbe Zakona o premjeru i katastru nekretnina na području Općine Velika Kladuša
OBRAĐIVAČ: Služba prostornog uređenje, resursa i zaštite okoline
ROK: april-jun 2002-ge godine
12. Informacija o reviziji urbanističko - planske dokumentacije
OBRAĐIVAČ: Služba prostornog uređenja, resursa i zaštite okoline
ROK: april-jun 2002-ge godine
13. Informacija o povratku raseljenih i prognanih osoba u svoje domove sa uslovima boravka na području općine Velika Kladuša
OBRAĐIVAČ: Služba za obnovu, razvoj i poduzetništvo
ROK: april-juni 2002-ge godine
14. Informacija o stanju u poljoprivredi, šumarstvu i lovu na području općine
OBRAĐIVAČ: Služba za privredu i finansije
ROK: april-juni 2002-ge godine
15. Analiza o problematici naplate javnih prihoda na području Općine
OBRAĐIVAČ: Služba za privredu i finansija
ROK: april-juni 2002-ge godine
16. Program socijalne zaštite na Općini Velika Kladuša
OBRAĐIVAČ: - JU Centar za socijalni rad i
- Služba za društvene djelatnosti i opću upravu
ROK: april-juni 2002-ge godine
17. Informacija o stanju i problemima u ostvarivanju zdravstvene zaštite stanovništva općine Velika Kladuša
OBRAĐIVAČ: JU Dom zdravlja Vel.Kladuša i služba za društvene djelatnosti i opću upravu
ROK: april-juni 2002-ge godine
18. Informacija o stanju javne sigurnosti na području Općine
OBRAĐIVAČ: MUP - Policijska uprava Velika Kladuša
ROK: april juni 2002-ge godine
19. Informacija o finansijskom poslovanju korisnika Budžeta od 01.01.do 30.06.2002. godine
OBRAĐIVAČ: Služba za privredu i finansije
ROK: juli-septembar 2002-ge godine

20. Informacija o sprovođenju sanacije i obnove porodično-stambenih objekata u privatnoj svojini

OBRADIVAČ: Služba za obnovu razvoj i poduzetništvo

ROK: juli-septembar 2002-ge godine

21. Izvještaj o rješavanju upravnih predmeta u Općinskom organu uprave u periodu januar-juni 2002-ge godine

OBRADIVAČ: Služba za društvene djelatnosti i opću upravu

ROK: jul-septembar 2002-ge godine

22. Informacija o stanju školskih objekata prije početka školske 2002/03 godine sa osvrtom na realizaciju programa obnove u tekućoj godini

OBRADIVAČ: služba za obnovu ,razvoj i poduzetništvo

ROK: juli-septembar 2002-ge godine

23. Informacija o stanju elektro-energetskih objekata na području općine

OBRADIVAČ:- JP "Elektrodistribucija" Bihać i Služba za privredu i finansije

ROK: juli-septembar 2002-ge godine

24. Informacija o završetku školske 2001/2002 godine i uspjehu učenika osnovnih škola na kraju školske godine

OBRADIVAČ: Služba za društvene djelatnosti i opću upravu

ROK: oktobar-decembar 2002-ge godine

25. Program zimske službe na području općine Velika Kladuša

OBRADIVAČ: Fond komunalne i zajedničke potrošnje

ROK: oktobar-decembar 2002.ge godine

26. Informacija o ostvarivanju zdravstvene zaštite životinja u 2002-oj godini

OBRADIVAČ: - JP Vet.stanica

- Služba za privredu i finansije

ROK: oktobar-decembar 2002-ge godine

27. Informacija o organiziranosti i poslovanju fonda za stambenu oblast za 2001-vu godinu

OBRADIVAČ: Fond za stambenu oblast

ROK: oktobar - decembar 2002-ge godine

28. Izvještaj o izgradnji i sanaciji PTT objekata i stanje veza na području Općine

OBRADIVAČ: - JP PTT Bihać

- Služba za privredu i finansije

ROK. oktobar - decembar 2002-ge godine

NORMATIVNI DIO

1. Odluka o utvrđivanju visine naknade za ekspropisano građevinsko zemljište

OBRADIVAČ: Služba prostornog uređenja, resursa i zaštite okoline

2. Odluka o utvrđivanju visine naknade za ekspropisano poljoprivredno zemljište

OBRADIVAČ: Služba prostornog uređenja, resursa i zaštite okoline

3. Zaključak o utvrđivanju cijene za obračun učešća investitora u troškovima uređenja građevinskog zemljišta

OBRADIVAČ: Služba prostornog uređenja, resursa i zaštite okoline

4. Odluka o građevinskom zemljištu

OBRADIVAČ: Služba prostornog uređenja, resursa i zaštite okoline

5. Program zajedničke komunalne potrošnje

OBRADIVAČ: ODF, JKP, Služba prostornog uređenja

6. Odluka o komunalnoj naknadi

OBRADIVAČ: ODF

7. Odluka o vrijednosti boda za komunalnu naknadu

OBRADIVAČ: ODF

8. Odluka o komunalnom redu

OBRADIVAČ: ODF

9. Odluka o utvrđivanju visine naknade za zauzimanje javnih površina

OBRADIVAČ: Služba prostornog uređenja s ODF

10. Odluka o Budžetu za 2002. godinu

OBRADIVAČ: Služba za privredu i finansije

11. Odluka o izvršenju Budžeta za 2002. godinu

OBRADIVAČ: Služba za privredu i finansije

12. Odluka o porezima građana

OBRADIVAČ: Služba za privredu i finansije

13. Odluka o izmjenama i dopunama Odluke o Budžetu za 2002.godinu (prema ukazanoj potrebi)

OBRADIVAČ: Služba za privredu i finansije

14. Nacrt Odluke o Budžetu za 2003.godinu
 OBRADIVAČ: Služba za privredu i finansije

15. Odluka o pristupanju izmjenama i dopunama Prostornog plana Općine i Urbanističke regulative grada i naselja gradskog karaktera na području Općine
 OBRADIVAČ: Služba za prostorno uređenje, resursa i zaštite okoline

16. Razne odluke iz oblasti za potrebe privatizacije državne imovine
 OBRADIVAČ: Služba za privredu i finansije

17. Odluke iz oblasti socijalne dječije zaštite
 OBRADIVAČ: Služba za društvene djelatnosti i opću upravu

18. Odluka o raspisivanju konkursa za izbor investitora i izvođača radova za nadzidiivanje zgrada
 OBRADIVAČ: Služba za prostorno uređenje, resursa i zaštite okoline

19. Normativno regulisanje i zaštita gradskog groblja Drmaljevo i ostalog groblja mezarja na području Općine
 OBRADIVAČ: Služba prostornog uređenja, resursa i zaštite okoline.

20. Donošenje i usaglašavanje raznih odluka i podzakonskih akata u skladu sa postojećim i novousvojenim zakonima u toku godine iz domena Općinske uprave
 OBRADIVAČ: Svaka služba iz svoje nadležnosti

Izbor i imenovanja

Općinsko vijeće Općine Velika Kladuša na prijedlog komisije za izbor i imenovanja ili prijedlog drugog ovlaštenog organa, a u skladu sa ovlaštenjima i dužnostima iz USTAVA i Zakona i Statuta općine, vrši izbor i imenovanja kao i razrješenje funkcionera koje bira i imenuje Općinsko vijeće.

Saglasnost na opće akte

Saglasno svojim ovlaštenjima i nadležnostima utvrđenim zakonom, Općinsko vijeće će razmatrati i davati saglasnosti na Statute i druga akta javnih ustanova i preduzeća čiji je osnivač općina.

Razmatranje pitanja iz nadležnosti viših državnih organa i međuopćinska suradnja.

Općinsko vijeće je u obavezi, a što će ispunjavati tokom programske godine, da razmotri sve prispjele materijale iz djelokruga državnih organa BiH, Federacije i Unsko-sanskog kantona u tom cilju vijeće će davati svoja mišljenja i prijedloge.

Posebnu pažnju vijeće će posvećivati međuopćinskoj suradnji u ostvarivanju zajedničkih interesa koji se sporazumno utvrde na nivou općina.

U tom pravcu vijeće će na prijedlog Općinskog načelnika i davati saglasnosti na ugovore o suradnji i zajedničkom investiranju u objekte infrastrukture koji povezuju više općina kao i predlagati koncesiju nadležnim organima Kantona i Federacije.

OPĆINA VELIKA KLADUŠA
 OPĆINSKO VIJEĆE

PREDSEDAVAJUĆI
 OPĆINSKOG VIJEĆA
 Husein Hadžić,ing.s.r.

Broj: 01-05-50/2002.
 Datum: 10.05.2002.godine
 VELIKA KLADUŠA

Na osnovu člana 1,2. i 8.Zakona o federalnim upravnim pristojbama i tarifi federalnih upravnih pristojbi ("Sl.novine F BiH", broj: 6/98,8/2000.), člana 2.Zakona o administrativnim taksama i tarifi kantonalnih administrativnih taksa ("Sl.list USK-a", broj:3/97,9/98,8/99) i člana 21. Statuta Općine Velika Kladuša - prečišćeni tekst ("Sl.glasnik Općine Velika Kladuša",broj: 1/2001) te Preporuke Izborne komisije BiH o oslobađanju plaćanja takse za izdavanje uvjerenja o državljanstvu, broj: 03-205/02,od 24.04.2002.godine, Općinsko vijeće Općine Velika Kladuša na XXI sjednici održanoj dana 09.maja 2002.godine donijelo je

O D L U K U o oslobađanju plaćanja općinske administrativne takse na uvjerenje o državljanstvu

Član 1.

Ovom Odlukom uređuje se oslobađanje plaćanja općinske administrativne takse za izdavanje uvjerenja o državljanstvu u svrhu registracije birača.

Član 2.

Oslobađaju se plaćanja općinske administrativne takse sva lica za izdavanje uvjerenja o državljanstvu u svrhu dokazivanja državljanstva radi registracije za glasanje prvi

put na predstojećim izborima 5. oktobra 2002. godine.

Član 3.

Izdana uvjerenje o državljanstvu bez naplaćene općinske administrativne takse na obrascu kojim raspolažu svi matični uredi Velika Kladuša, mogu se kao javna isprava koristiti samo u svrhu dokazivanja državljanstva pri podnošenju zahtjeva za registraciju birača u Općinskom centru za registraciju birača.

Član 4.

Ova odluka stupa na snagu danom donošenja a objaviće se u "Službenom glasniku Općine Velika Kladuša".

OPĆINA VELIKA KLADUŠA
OPĆINSKO VIJEĆE

PREDSJEDAVALAČI
OPĆINSKOG VIJEĆA
Husein Hadžić, ing.s.r.

Broj: 01-05-49/2002.
Datum: 10.05.2002. godine
VELIKA KLADUŠA

Na osnovu člana 27. i 28. Zakona o lokalnoj samoupravi («Sl.glasnik USK», br. 5/97, 1/98 i 2/2000), člana 30. 40. i 41. Statuta Općine Velika Kladuša- prečišćeni tekst («Sl.glasnik Općine Velika Kladuša», broj: 1/2001), te člana 74. 94. i 132. Poslovnika o radu Općinskog vijeća («Sl.glasnik Općine Velika Kladuša», 1/2001), Općinsko vijeće Općine Velika Kladuša na XXI sjednici održanoj dana, 09.maja 2002.godine, tajnim izjašnjavanjem vijećnika donijelo je

ODLUKU

o razrješenju dužnosti Zamjenika Općinskog načelnika Općine Velika Kladuša

I

Čaušević Meho iz Velike Kladuše, razrješava se dužnosti Zamjenika Općinskog načelnika Općine Velika Kladuša obzirom da mu je Vijeće izglasalo nepovjerenje za obavljanje navedene dužnosti.

II

Za donošenje ove Odluke vijećnici su se izjasnili tajnim glasanjem, a Odluka je donešena sa 18 glasova «ZA» razrješenje i 2 glasa «PROTIV» razrješenja od ukupno 28 vijećnika, odnosno ukupno 24 prisutnih vijećnika na sjednici.

III

Nakon donošenja ove Odluke smijenjeni funkcioner općinske uprave

Čaušević Meho, ostvarivat će svoja prava i obaveze po osnovu radnih odnosa u skladu s odredbama Zakona o radnim odnosima i platama službenika u Federaciji Bosne i Hercegovine («Sl.novine F BiH», br. 13/98) počev od dana donošenja ove Odluke.

IV

Ova Odluka stupa na snagu danom donošenja, a ima se objaviti u «Službenom glasniku Općine Velika Kladuša».

Obrazloženje

Klub vijećnika Demokratske Narodne zajednice Velika Kladuša podnio je Prijedlog Općinskom vijeću, zahtijevajući da se preispita odgovornost Čaušević Mehe, koji obnaša dužnost zamjenika općinskog načelnika, zbog njegovog učešća u bespravnoj gradnji i podizanju spomen-obilježja u haremu gradske džamije u centru grada.

Postupajući po prijedlogu Kluba DNZ BiH, zakazana je i održana vanredna sjednica Općinskog vijeća na dan 18.aprila 2002.godine. U toku rasprave na sjednici Općinskog vijeća proizašle su slijedeće konstatacije:

- da je Čaušević Meho na dužnosti Zamjenika Općinskog načelnika, indirektno uključen u organiziranje izgradnje i postavljanja obilježja u centru grada – u haremu džamije Velika Kladuša neposrednom podrškom kao i prisustvom obilježavanju otvaranja spomenika, znajući da je objekat izgrađen bez zakonom propisanih odobrenja i suprotno urbanističkom i regulacionom planu grada Velika Kladuša;
- što je lično prisustvovao skupu obilježavanja podignutog spomen obilježja iako je znao, da organizator skupa nije imao odobrenje niti suglasnost za održavanje skupa od nadležnog Kantonalnog ministarstva unutrašnjih poslova, odnosno znao je da je ovo održavanje skupa zabranjeno;
- da Čaušević Meho sa pozicije Zamjenika Općinskog načelnika nije poduzeo nikakve zakonom propisane mjere na sprečavanju nezakonitog postavljanja spomen obilježja u saradnji sa nadležnim službama općinske uprave, a iste je bio dužan poduzeti sa pozicije koju obavlja;
- da je kao Zamjenik Općinskog načelnika znao i bio svjestan činjenice, da je podizanje spomenika kao obilježja jedne od strana u minulim ratnim sukobima, razlog za stvaranje netrpeljivosti i remećenja dostignutog stepena pomirenja, tolerancije i suživota građana na Općini na

koji način je učestvovao u kršenju Daytonskog sporazuma za mir u Bosni i Hercegovini.

Na temelju ovih konstatacije , Općinsko vijeće je donijelo Zaključak da postoji odgovornost Čaušević Mehe u opisanim radnjama i navodima Kluba općinskih vijećnika DNZ BiH i predložio donošenje Odluke o razrješenju istog sa dužnosti Zamjenika Općinskog načelnika u skladu s članom 30. 40 i 41. Statuta Općine Velika Kladuša.

Budući da je članom 30. Statuta propisano da Općinsko vijeće imenuje i razrješava Zamjenika Općinskog načelnika tajnim izjašnjavanjem, stoga se predlaže donošenje ove Odluke na način kako je to i propisano članom 30. Statuta.

S tim u vezi, a postupajući po Zaključku vijeća od 18.04.2002.godine , Komisija za tajno izjašnjavanje je provela ovaj postupak i na osnovu rezultata glasanja, konstatirala da je Odluka donešena sa 18 glasova «ZA» i 2 glasa PROTIV od ukupno 28 vijećnika.

Nakon donošenja ove Odluke , razriješeni dužnosti Zamjenika Općinskog načelnika , ostvarivat će pravo i obaveze po osnovu radnog odnosa kako je to i opisano u dispozitivu ove Odluke.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-47/2002.
Datum: 10.05.2002.godine
VELIKA KLADUŠA

Na osnovu člana 15. Zakona o eksproprijaciji («Sl.list SR BiH», broj: 12/87 i 38/89) i člana 21.Statuta Općine Velika Kladuša – prečišćeni tekst («Sl.glasnik Općine Velika Kladuša», broj: 1/2001), Općinsko vijeće općine Velika Kladuša na XXI sjednici održanoj dana, 09.maja 2002.godine , donijelo je

R J E Š E N J E **o utvrđivanju općeg interesa**

1. UTVRĐUJE SE da je od općeg interesa izgradnja BAZNE STANICE GSM u Velikoj Kladuši i da se u tu svrhu za potrebe JP PTT saobraćaja BiH Sarajevo – PTT Bihać može pristupiti eksproprijaciji nepokretnosti prema novom katastarskom premjeru označenih kao:

a) TRNOVI-PROKRES

- k.č.broj: 1420/2 njiva VII klase u površini od 100 m² upisana u PL broj: 188. K.O. Trnovi, u posjedu i

vlasništvu Hašić Hasana Hadžire udate Pehlić, Trnovi 63.

2. Nakon donošenja ovog rješenja i njegove objave u «Službenom glasniku općine Velika Kladuša» korisnik eksproprisanog zemljišta obavezan je podnijeti zahtjev za eksproprijaciju saglasno odredbama 24. i 25. Zakona o eksproprijaciji.

O b r a z l o ž e n j e

JP PTT saobraćaja BiH Sarajevo-direkcija PTT Bihać prijedlogom broj: 10.5.-10052/01 od 16.10.2001. godine obratilo se Općinskom vijeću Velika Kladuša da Općinsko vijeće svojim rješenjem utvrdi da je od općeg interesa izgradnja bazne stanice GSM u Velikoj Kladuši i da su tu svrhu može pristupiti eksproprijaciji nepokretnosti opisanih u dispozitivu rješenja.

U prijedlogu predlagač ističe:

- da je planom rada i poslovanja za 2001.godinu JP PTT saobraćaja BiH Sarajevo predviđena izgradnja bazne stanice GSM u Velikoj Kladuši, u naselju Trnovi (Prokres);
- Da je Upravni odbor JP PTT saobraćaja BiH Sarajevo usvojio investiciono-tehničku dokumentaciju i donio odluku da se pristupi izgradnji navedenog objekta;
- Da su novčana sredstva za izgradnju objekta i naknada za eksproprijaciju nepokretnosti obezbjeđena u Javnom preduzeću – Sektor za investicije i razvoj.

Obzirom da je izgradnja bazne stanice GSM u naselju Trnovi- Prokres na području direkcije PTT saobraćaja Bihać u Općini Velika Kladuša od općeg interesa USK-a, Općinski načelnik predlaže Općinskom vijeću Velika Kladuša donošenje rješenja kao u dispozitivu.

Obzirom na izloženo, Općinsko vijeće je odlučilo kao u dispozitivu rješenja.

POUKA O PRAVNOM LIJEKU:
Protiv ovog rješenja shodno članu 222. stav 5. Zakona o upravnom postupku ne može se izjaviti žalba , niti se može voditi upravni spor shodno odredbi člana 16. zakona o eksproprijaciji.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-48/2002.
Datum: 10.05.2002.godine
VELIKA KLADUŠA

Na osnovu člana 21., 30., 40. i 41. Statuta Općine Velika Kladuša-Prečišćeni tekst («Sl.glasnik Općine Velika Kladuša», broj: 1/2001) i člana 94. i 132. Poslovnika Općinskog vijeća Općine Velika Kladuša-Prečišćeni tekst («Sl. glasnik Općine Velika Kladuša», broj: 1/2001), a nakon sprovedene rasprave o sprovođenja zaključaka Općinskog vijeća od 18.04.2002.godine povodom prijedloga za razrješenje Zamjenika Općinskog načelnika, Općinsko vijeće Općine Velika Kladuša na XXI sjednici održanoj dana, 09.maja 2002.godine, usvojilo je s l i j e d e ć e

ZAKLJUČKE

I

1. USVAJA SE Izvještaj Komisije za provođenje tajnog glasanja o razrješenju Čaušević Mehe dužnosti Zamjenika Općinskog načelnika Općine Velika Kladuša.
2. Usvaja se Odluka o razrješenju Čaušević Mehe dužnosti Zamjenika Općinskog načelnika
3. Da se ispred Općinskog vijeća uputi pismeni zahtjev SDA kojoj pripada funkcija Zamjenika Općinskog načelnika da dostavi prijedlog kandidata za imenovanje dužnosti Zamjenika načelnika, a zatim nastavi procedura po Statutu oko izbora novog.

II

Ovaj Zaključak stupa na snagu danom donošenja, a ima se objaviti u «Službenom glasniku općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-46/2002.
Datum: 10.05.2002.godine
VELIKA KLADUŠA

Na osnovu člana 21. Statuta Općine Velika Kladuša-prečišćeni tekst («Sl.glasnik Općine Velika Kladuša», broj: 1/2001), člana 86. i 94. Poslovnika Općinskog vijeća Općine Velika Kladuša-prečišćeni tekst («Sl. glasnik Općine Velika Kladuša», broj: 1/2001), a nakon provedene rasprave po Izvještaju općinskog načelnika o radu Općinskog organa uprave za Općine Velika Kladuša za 2001.godinu, Općinsko vijeće Općine Velika Kladuša na XXI sjednici održanoj dana, 09.maja 2002.godine, u s v o j i l o j e

ZAKLJUČAK

I

USVAJA SE Izvještaj Općinskog načelnika o radu Općinskog organa uprave za Općine Velika Kladuša za 2001.godinu, bez primjedbi.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-51/2002.
Datum: 10.05.2002.godine

VELIKA KLADUŠA

Na osnovu člana 27. i 28. Zakona o lokalnoj samoupravi («Sl.glasnik USK»: br 5/97, 1/98 i 2/2000), te člana 21. Statuta općine Velika Kladuša-prečišćeni tekst («Sl.glasnik općine Velika Kladuše», br.1/2001),Općinsko vijeće na XXI sjednici održanoj dana, 09.maja2002.godine, d o n o s i

ZAKLJUČAK

o izmjenama Zaključka o ovlaštenim licima za potpisivanje materijalno finansijske dokumentacije kod poslovne banke

I

Ovim Zaključkom vrši se izmjena Zaključka o ovlaštenim licima za potpisivanje materijalno finansijske dokumentacije kod poslovne banke («Sl.glasnik općine Velika Kladuša», br. 1/2001), tako da se u cijelosti mijenja tačka I koja sada glasi:

«I

Na žiro-računu budžeta općine Velika Kladuša registrovan kod poslovne banke «Universal» - filijala Velika Kladuša, ovlašteni potpisnik je

DELIĆ HUSEIN, načelnik općine
Potpisivanje će se vršiti pojedinačno.»

II

Određba tačke I ovog Zaključka, primjenjivat će se privremeno i to sve dok se ne izvrši imenovanje Zamjenika Općinskog načelnika.

III

Ostale odredbe Zaključka o ovlaštenim licima za potpisivanje materijalno financijske dokumentacije kod poslovne banke («Sl.glasnik općine Velika Kladuša», br. 1/2001), ostaju na snazi i primjeni.

IV

Ovaj Zaključak stupa na snagu danom donošenja, a ima se objaviti u «Službenom glasniku općine Velika Kladuša.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-45/2002.
Datum: 10.05.2002.godine
VELIKA KLADUŠA

Na osnovu člana 21. Statuta Općine Velika Kladuša-prečišćeni tekst («Sl.glasnik Općine Velika Kladuša», broj: 1/2001), člana 86. i 94. Poslovnika Općinskog vijeća Općine Velika Kladuša-prečišćeni tekst («Sl. glasnik Općine Velika Kladuša», broj: 1/2001), a nakon provedene rasprave po Izvještaju o radu i poslovanju JU Veterinarska stanica Velika Kladuša za 2001.godinu, Općinsko vijeće Općine Velika Kladuša na XXI sjednici održanoj dana, 09.maja 2002.godine, u s v o j i l o j e

ZAKLJUČAK

I

USVAJA SE Izvještaju o radu i poslovanju JU Veterinarska stanica Velika Kladuša za 2001.godinu, sa primjedbama pojedinih vijećnika.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-52/2002.
Datum: 10.05.2002.godine
VELIKA KLADUŠA

Na osnovu člana 21. Statuta Općine Velika Kladuša-prečišćeni tekst («Sl.glasnik Općine Velika Kladuša», broj: 1/2001), člana 86. i 94. Poslovnika Općinskog vijeća Općine Velika Kladuša-prečišćeni tekst («Sl. glasnik Općine Velika Kladuša», broj: 1/2001), a nakon provedene rasprave po Izvještaju o radu JU Centar za socijalni rad Velika Kladuša za 2001.godinu, Općinsko vijeće Općine Velika

Kladuša na XXI sjednici održanoj dana, 09.maja 2002.godine, u s v o j i l o j e

ZAKLJUČAK

I

1.USVAJA SE Izvještaj o radu JU Centar za socijalni rad Velika Kladuša za 2001.godinu.

2. Obavezuju se direktor i Upravni odbor JU Centra za socijalni rad da pokrenu Tužbu protiv Vlade USK-a u cilju naplate stvorenih obaveza prema korisnicima socijalne pomoći sa područja općine Velika Kladuša, obzirom da su već počele pristizati također Tužbe iz institucija gdje su smješteni štićenici sa područja općine Velika Kladuša,

3. Traži se od direktora Centra za socijalni rad i Upravnog odbora da predlože Program mjera i aktivnosti na Projekt «Nasilje u porodici i iznesene primjedbe u pojavi narkomanije i ostalih nasilja nad djecom, maloljetnicima», a u cilju da bi Općinsko vijeće zauzelo stav o istom.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-53/2002.
Datum: 10.05.2002.godine
VELIKA KLADUŠA

Na osnovu člana 21. Statuta Općine Velika Kladuša-prečišćeni tekst («Sl.glasnik Općine Velika Kladuša», broj: 1/2001), člana 86. i 94. Poslovnika Općinskog vijeća Općine Velika Kladuša-prečišćeni tekst («Sl. glasnik Općine Velika Kladuša», broj: 1/2001), a nakon provedene rasprave po Izvještaju o radu i financijskom poslovanju JKP «Adnan Redžić Velika Kladuša za 2001.godinu, Općinsko vijeće Općine Velika Kladuša na XXI sjednici održanoj dana, 09.maja 2002.godine, u s v o j i l o j e

ZAKLJUČAK

I

1.USVAJA SE Izvještaju o radu i financijskom poslovanju JKP «Adnan Redžić Velika Kladuša za 2001.godinu.

2. Zadužuje direktor JKP i Upravni odbor JKP «Adnan Redžić» da urade Program

mjera sanacije gubitka u JKP u roku od 60 dana , te isti dostave OV-ću na razmatranje.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-54/2002.
Datum: 10.05.2002.godine
VELIKA KLADUŠA

Na osnovu člana 21. Statuta Općine Velika Kladuša-prečišćeni tekst («Sl.glasnik Općine Velika Kladuša», broj: 1/2001), člana 86. i 94. Poslovnika Općinskog vijeća Općine Velika Kladuša-prečišćeni tekst («Sl. glasnik Općine Velika Kladuša», broj: 1/2001), a nakon provedene rasprave po Izvještaju o radu i poslovanju JP «Radio stanica» Velika Kladuša za 2001.godinu, Općinsko vijeće Općine Velika Kladuša na XXI sjednici održanoj dana, 09.maja 2002.godine,

u s v o j i l o j e

ZAKLJUČAK

I

1. USVAJA Izvještaj o radu i poslovanju JP «Radio stanica» Velika Kladuša za 2001.godinu , bez primjedbi.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-56/2002.
Datum: 10.05.2002.godine
VELIKA KLADUŠA

Na osnovu člana 21. Statuta Općine Velika Kladuša-prečišćeni tekst («Sl.glasnik Općine Velika Kladuša», broj: 1/2001), člana 86. i 94. Poslovnika Općinskog vijeća Općine Velika Kladuša-prečišćeni tekst («Sl. glasnik Općine Velika Kladuša», broj: 1/2001), a nakon provedene rasprave po Programu rada Općinskog vijeća općine Velika Kladuša za 2002.godinu, Općinsko vijeće Općine Velika Kladuša na XXI sjednici održanoj dana, 09.maja 2002.godine, u s v o j i l o j e

ZAKLJUČAK

I

1. USVAJA Program rada Općinskog vijeća općine Velika Kladuša za 2002.godinu, bez primjedbi.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-57/2002.
Datum: 10.05.2002.godine
VELIKA KLADUŠA

Na osnovu člana 21. Statuta Općine Velika Kladuša-prečišćeni tekst («Sl.glasnik Općine Velika Kladuša», broj: 1/2001), člana 86. i 94. Poslovnika Općinskog vijeća Općine Velika Kladuša-prečišćeni tekst («Sl. glasnik Općine Velika Kladuša», broj: 1/2001), a nakon provedene rasprave po Zaključcima Skupštine USK-a u vezi zahtjeva boračkih populacija dostavljene od strane Komisije za praćenje realizacije zaključaka u vezi boračkih populacija Skupštine USK-a , Općinsko vijeće Općine Velika Kladuša na XXI sjednici održanoj dana, 09.maja 2002.godine,

u s v o j i l o j e

ZAKLJUČAK

I

1.Obavezuje se nadležana služba Organa uprave općine Velika Kladuša da napravi cjelovitu informaciju za Općinsko vijeće o stradalnicima rata , invalidima itd. te istu dostavi Općinskom vijeću na razmatranje, a Općinsko vijeće Skupštini Kantona, te da se zatraži da Skupština USK-a dopuni svoje zaključke u cilju realizacije ovih zaključaka koji su dati ovom Vijeću.

2.Da predstavnik Općinskog organa uprave u cilju pripreme zajedničke informacije primi predstavnike A BiH, snimi stanje i da isto posluži Organu uprave da sam krene u akciju rješavanja određenih pitanja koja može ovdje i rješavati.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-55/2002.
Datum: 10.05.2002.godine
VELIKA KLADUŠA

Na osnovu člana 21. Statuta Općine Velika Kladuša-prečišćeni tekst («Sl.glasnik

Općine Velika Kladuša», broj: 1/2001), člana 86. i 94. Poslovnika Općinskog vijeća Općine Velika Kladuša-prečišćeni tekst («Sl. glasnik Općine Velika Kladuša», broj: 1/2001), a nakon provedene rasprave po prijedlogu Odluke o izmjenama i dopunama Odluke o porezima građana Općine Velika Kladuša , Općinsko vijeće Općine Velika Kladuša na XXI sjednici održanoj dana, 09.maja 2002.godine, u s v o j i l o j e

ZAKLJUČAK

I

ODLAŽE SE donošenje Odluke o izmjenama i dopunama Odluke o porezima građana Općine Velika Kladuša , do usvajanja izmjena i dopuna Zakona o porezima Unsko-sanskog Kantona , koji je u parlamentarnoj proceduri Skupštine Kantona.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Husein Hadžić,ing.s.r.

Broj: 01-05-58/2002.
Datum: 10.05.2002.godine
VELIKA KLADUŠA